

DIRU BEREIZIEN EPAIKETA. Dirurik ez duela eman esan du Gonzalezek

Gonzalezek ordainketen berri zuela dio Roldanek

Vera eta Sancristobalek urtero 7 eta 5 milioi ematen zizkiotela dio

Agentziak | MADRID

Guardia Zibilaren zuzendari ohi Luis Roldanek adierazi zuen atzo Felipe Gonzalez presidente ohiak bazekiela diru bereizietatik ordainketak egiten zirela, Rafael Vera Segurtasunerako idazkari ohiak bi alditan hala aipatu ziolako. Gainera, bi hilabetero Barne Ministeriotik Gobernuko Lehendakartzara 28 milioi pezeta bidaltzen zirela esan zuen. «Vera eta Barrionuevori orokorrean entzun diet dirua bildatzen zela esaten», zehaztu zuen.

Felipe Gonzalezek ukatu egin zuen ordainketa hori egiten zenik. «Inoiz ez zait burutik pasa gainsoldatarik ordaintzea», adierazi zuen telebista kate bati eskainitako elkarrizketa batean. *El Mundo* egunkariaren arabera, 1987tik 1993ra Gobernu Lehendakartzak gutxienez 588 milioi pezeta jaso zituen Barne Ministeriotik, 28 milioi bi hilabetero.

Roldanen ordainketak

Roldan Guardia Zibilaren zuzendari eta Nafarroan Gobernuaren delegatu zenean, Jose Barrionuevo eta Jose Luis Corcuera Barne ministro ohien baimenarekin gainsoldatak jaso zituela baieztatu zuen. Baieztapen hori «dedukzio logikoa» dela esan zuen, «oso zehatz ezagutzen zutelako Ministerioaren funtzionamendua». Hala ere, bi ministro ohiei ez ziela inoiz ordainketa baimentzen ez ikusi ezta entzun ere esan zuen.

Roldanek atzo deklaratu zuen



J.L. GUILLEN / EFE
Luis Roldan, atzo, epaitegian deklaratu zuen.

lekuko gisa Madrilgo Entzutegi Probintzialeko Bosgarren Sekzioan diru bereizien epaiketan. 1984tik 1990ra urtero zazpi milioi pezeta eta orduz geroztik bost milioi pezeta jaso zuela esan zuen.

Dirua Rafael Verak eta Julian Sancristobal Segurtasunerako zuzendari ohiak ematen zizkiotela gaineratu zuen. Azken horren bulegora joan zen behin dirua jasotzera. Aurretik Barri-nuevok honako hau esan ziola deklaratu zuen Roldanek: «Julianek zerbait du zuretzako, baina ez esan inorri».

1988an zazpi eta hamar mi-

lioioi pezeta jaso zituela adierazi zuen Roldanek. Horrez gain, berak eta Jose Maria Rodriguez Colorado Espainiako Poliziaren zuzendari nagusi ohiak Hiperkorreko atentatuaren ostean beste hamar milioi pezeta jaso zituztela jakinarazi zuen. Bilera batean ere bera eta Coloradok 125 milioi pezeta jasotzea adostu zen. Corcueraaren emazteak ere bere senarrak erositako bixietako batzuk jaso zituela azaldu zuen Roldanek. Bera Nafarroako delegatu izan zenean EAEko gobernadore zibilek ere gainsoldatak eskuratu zituztela gaineratu zuen.

EPAITEGIAK. Gorenak 10 urteko zigorra berretsi du kutxa bat erretzeagatik

Olzaren abokatuak babes errekurtsua aurkeztuko du Auzitegi Konstituzionalean

Irene Arrizurieta | IRUÑEA

Eneko Olzaren abokatuak gazte horren aurkako zigorra Espainiako Auzitegi Konstituzionalean errekurrituko du. Auzitegi Gorenak duela gutxi berretsi du gazteari kutxa automatiko bat erretzea leporatuta ezarritako 10 urteko zigorra.

Amaita Izko abokatuak Konstituzionalean babes helegitea

jarriko du, gaztearen «errugabetasun presuntzioan oinarrituz». 20 hilabete dituzte Konstituzionalean epaiari helegitea aurkezteko, eta prozesuak irauten duen bitartean ezin daiteke Olzaren askatasuna eskatu.

Abokatuak epaia «aldez aurretik erabakia eta politikoa» dela salatu du. Izkoren iritziz Gorenak ez du aintzat hartu bideo zintaren frogarekin egin

den «erabilera okerra». Erretakutxazain automatikoan grabatu bideoa epailearen esku «berekala» utzi behar izaten da, baina frogatzen hori 14 hilabetez egon zen Poliziaren esku. Beraz, Olzaren eskubideen «huraketa larria» gertatu dela gogoratu zion abokatuak Gorenari, denbora horretan zintarekin «zer egin zen» ez dakitelako.

Alta, auzitegiak kutxa erre zuten gazteetako batek zeraman erropa eta Olzaren etxean urtebetera aurkitutakoa antzekoak direla hartu du kontuan Entzutegi Nazionalak jarri epaia berresteko.

LABURAREN

Atarrabian hiri autobus baten aurkako eraso salatu dute ELA, LAB, UGT eta CC00k

Atarrabian asteartean hiri autobus baten aurkako eraso salatu dute ELA, LAB, UGT eta CC00 sindikatuek. COTUP hiri garraioaz arduratzen den autobus baten aurka kaputxadunek jaurti bost molotov-koktekek eragin kalteak salatu dituzte lau sindikatuok. Halaber, gidariaren «bizitza arriskuan» jartzea gaitzetsi dute, eta lankideari elkartasuna adierazi diote. Ildo berean, horrelako ekintzak ez errepikatzea eskatu dute.

Martutenen atxilotutako bi gazteak aske geratu dira deklaratu ostean

Asteartean Donostiako Martuteneko Lanbide Heziketako Ikastetxearen kanpoko aldean atxilotu zituzten bi gazteak, Olatz Recio eta Edurne Elizondo aske geratu ziren atzo deklaratu ondoren. Desordena publikoak leporatu dizkiete, baina ukatu egin dituzte akusazioak. Martutenen klaseak eten zituzten atzo, eta 100 bat lagun epaitegiaren atarian bildu ziren.

Murilloren beste estradizio eskaera bat aztertuko dute Holandan

Esteban Murillo presoaren aurka beste estradizio eskaera bat egin zuen maiatzaren Espainiak, eta gaur aztertuko dute eskari hori Hagako epaitegi batean. Murillo Holandan atxilotu zutenean Espainiak estradizio eskaera bakarra egin zuen, eta iaz gauzatu zen estradizio hori. Holandako elkartasun taldeak gertaera hori salatu du, eta idatzi bana bidali die Holandako diputatuari, esanez, besteak beste, oraindik lehenengo auziagatik ez dutela epaitu.

Batasuna baikor agertu da Venezuelara eginiko bidaiaren ostean

Jone Goirizelaia eta Mikel Korta Batasuneko ordezkariak balorazio baikorra egin dute Venezuelara eginiko bidaiaz. Euskal Herriaren egoera azaltzea eta euskal diasporarekin harremanak sakontzea zuten helburu, eta lortu dutela adierazi zuten ohar batean. Bertakoek Euskal Herrian gertatzen dena interes handiz jarraitzen dutela azaldu zuten.

'HAIKA AUZIA'

Asier Tapia aske utzi dute bost milioi pezetako bermea jarrita

Erredakzioa | DONOSTIA

Asier Tapia Zulaika gazte donostiarra aske dago Espainiako Entzutegi Nazionalak jarritako bost milioi pezetako (200.000 libera) bermea ordaindu ostean. Tapia martxoan atxilotu zuten Haikaren aurkako polizia operazioa egin ondoren prentsaurreko bat eskaini zuela eta. Baltasar Garzon epaileak jarritako bermea zazpi hilabetez espetxean egon ondoren, eta asteartean geratu zen libre 19:30ak aldera, Aministraren Aldeko Batzordeak atzo adierazi zutenez. Atzo goizaldean iritsi zen gaztea Donostiara.

Aske geratu arren, gaztea «jarraipen zorrotz baten menpe» dagoela salatu zuten AABek. Izan ere, bermeaz gain, egunero Ertzaintzaren komisariari aurkeztu beharko du Tapiak, eta astean behin epaitegiara joan beharko du.

AABek oroitarazi zuten Tapiak tortura psikologikoak eta mehatxuak salatu zituela atxilotu zutenean. Halaber, Haikaren kontrako «eraso errepre-siboaren baitan atxilotu» zutela adierazi zuten, eta gazte erakunde horretako 18 kidek espetxean jarraitzen dutela erantsi.

'ALDE HEMENDIK'

Segik biharko manifestazioan parte hartzeko deia egin du

Erredakzioa | DONOSTIA

Segi gazte erakundean bihar Iruñean egingo den manifestazio nazionalera joateko deia egin dio euskal gazterari. Gazte erakundeak dioenez, biharko eguna «inperialismoaren eguna» da. «Nazionalismo inperialista espainiarrak bere eskuetan dituen bitarteko guztiak erabili ditu Euskal Herria suntsitzeko», Segik dioenez, eta horretan Guardia Zibilak «lehentasunez frontearen rola» izan duela. Horregatik Euskal Herrian bakera izan dadin Guardia Zibilak joatea beharrezkoa dela dio Segik.

Bestetik, Gipuzkoako Leintz bailarako zenbait erakundek ere bat egin dute biharko manifestazioarekin. Guardia Zibila eskualde horretatik joan dadin eskatzeko ekimen berria jarri dute martxan, eta hari ere atxikimendua agertu diote zenbait taldek. Hasiera gisa jaialdia antolatuko dute hilaren 20rako.